

藝文志

麗江府志卷之八下

共一萬肆千
陸百字

139
10

麗江縣志卷之八

藝文志下

詩

渡瀾滄江歌

水道經注漢明帝時通博南山

漢廣德開不賓度博南越蘭津渡蘭滄為他人

白狼王歌

漢永平中益州刺史梁國朱黼好立

遠夷樂德歌

史官錄其歌焉魏隨旅知唐桑艾邪毘

莫存禪讓潭僕遠支度由陽額僧鱗

譯曰大漢是治與天意合吏譯平端不從我來聞風

向化所見奇異多賜繒布甘美酒食昌樂肉飛屈伸

悉備蠻夷貧薄無所報嗣願主長壽子孫昌熾

遠夷慕德歌

且僂讓皮尼旦交陵悟純動隨履路

推藩危歸險莫受萬柳術壘附德

譯曰蠻夷所處日入之部慕義向化歸日出主聖德

仍路辟危歸險莫受萬柳術壘附德

深恩與人富厚冬多霜雪夏多和雨寒温時適部人
多有涉危歷險不遠萬里去俗歸德心歸慈母

遠夷懷德歌

荒服之儀梨籍憐仁阻蘇邪犂莫
碣粗沐周譯傳微是漢夜拒蹤優
路仁雷折險龍倫狼藏幢扶路側
祿息落服淫理灑髡雜捕苜菌昆
懷藁匹漏傳言呼勅陵陽臣僕

譯曰荒服之外土地墮垣食肉衣皮不見鹽穀吏譯
傳風大漢安樂携負歸仁觸冒險陝高山岐峻緣吏
蟠石木薄發家百宿到雒子父同賜懷抱匹帛傳告
種人長願臣僕

麼些詔

元宣文閣王沂
博士閣王沂

瀘南地多瘴麼些風俗美酋豪富畜牧散野若蜂蟻
聖世垂柔遠政爾煩尺箠敗羣既已去飲斲自相靡
土俗類楚優衣被紛錯綺徘徊百態出供我一笑喜
亦有善刀舞象鋒粲鯨齒坐令帳下兒往仁髮上指
將軍一回顧風獵旌旗尾回座且勿喧酒酣可以起

雪山

山高摩蒼穹積雪何年始澗壑下縈迴水奔石齒仁
方夏偶經過肌膚猶粟起絕頂人莫升仙靈應會此

雪山歌

宣慰李京河
副使

麗江雪山天下絕積玉堆瓊幾千疊足盤厚地背摩
天衡華真成兩邱垤平生愛作子長遊覽勝探奇不
少休安得乘風臨絕頂倒騎箕尾看神州

過金沙江

雨中夜過金沙江五月渡瀘即此地兩岸峻極若登
天下視此江如井裏三月頭九月尾煙瘴拍天如霧
起我行時當六月末王事役人安敢避來此滇池至
越崑畏途一千五百里干戈浩蕩虎豹穴晝不遑兮
夜無寐憶昔先帝南征日簞食壺漿盡臣妾撫之以
寬來以德五十餘年為樂國一朝賊臣肆胸臆生事
邀功作邊隙可憐三十七部民魚肉豈能分玉石若
不見南詔安危在一人莫道今無賽典赤

西蕃箚

明學士張翥晉甯

西道出邛夔百里彌箚林俛行不見日刺木鬱蕭森
伏莽有夷獠巢枝無越禽根盤三嶺險氣接西蕃深
銀山雲夏白金江風晝黔主思昇良帥時平靖蠻心
風威所播灑瘴地空毒淫願言闢南徼蔽以樹棠陰

望雪山

泰政謝肇淛 晉江

山行數百里質質靡所屆迴上四盤坡我馬痛以憊
千峰繞翠屏驚見玉龍挂爛如白芙蓉橫聳青天外
斜日正照耀銀宮起光怪皓質亘四時千秋復萬代
元鶴不敢棲路草綠映帶永懷面壁踪結想香林界
坐令俗骨清頓覺精神快安得馭冷風凌虛飲沆瀣

蘭滄江

兩山高挿雲巋然若天岸草樹綠相樛仰視天一線
中有一長江江流急於箭亂石齧其中噴激成飛散

客子何問津鷄鳴夜將旦僕夫相顧愁舟楫恐失援
天明涉此險永作邊成翰

觀玉嵩書院錦邊瑞蓮

係明時土知府木

增

玉井十文蓮昌黎永不歇何當玉山碑有此瑞蓮發
歷歷天上榆皎皎波心月沆瀣淪相妍芝蘭避芬穢
奇葩洵有神變化妙倏忽或如美人姿醜顏侵頰頰
又如燕山顛丹頂雲霞沒並蒂每雙雙層房起兀兀
亭然一藹揭譬彼西家施無人敢唐突托根止麗陽
流芳徧溟渤我醉芙蓉前夢入芙蓉窟仙子芰荷衣

邂逅殊恍惚具齒露朱唇分明向我曰爾有丹臺名
亦具黃綺骨胡不有松喬而爾曰勃勃授我金液方
玄此不老髮幡幢擁道行指我叫帝闕天使何所予
纓紳與簪笏八公薦盤飧六甲陳穀核觴以白雪杯
流丹斟弗竭下視閻浮人何異井中蟄覺來一鞮然
書空嘆咄咄從茲萬念空天和庶無汨

七言古

蘭滄江

巡府黃中遂

蓬婆之水下星峽怒濤直憾馮夷宮鐵柱齧蝕巖飛

唇石壁突兀撐晴空博南初度歌猶怨諸葛重來路
始通山霧霏霏江樹暝飄飄疑是攝天風

宿金沙江

明修撰楊慎成

往年曾向嘉陵宿驛樓東南欄干曲江聲徹夜攪離
愁月色中天照幽獨豈意飄零瘴海頭嘉陵回首轉
悠悠江聲月色那堪說腸斷金沙萬里樓

雪山行

清教授趙瀉州

噫嘻高哉麗江之雪峯凌霄插漢不知幾千仞勢

與點蒼雲弄相爭雄金精盤薄奠坤戶天外削出
青芙蓉上有萬古難消之積雪銀屏隔斷東南風
沐日浴月架井絡時覩玉龍蜿蜒起伏於其中琳
宮瑤闕相照耀疑有玉女偕金童員嶠方壺即此
是飛來鶴氅諸仙翁琪花爭皎潔瓊樹自玲瓏胡
為乎不與九華五嶽輝中土但於邊域起穹窿曾
聞瞿曇幽棲而面壁蒙段仰止加偽封又聞韋皋
襲番藏驅之嶺外元通豈止華夷令一統區區界
域總無庸我來瑤山時眺望卻疑銀海舒長空何
不化為金布地解使世間寒素俱開容幾欲凌虛
飲沆瀣擔圭執璧徑造明光宮請調白帝與赤帝
即教絕域回春融

雪山歌

甯州劉大紳

雪山不與冰山同皎然作柱西南中叔視玉峰季
瓊島晃耀紅凌列蒼穹是何神靈始開朔青黃赤
黑少形狀純用白描成此奇留付仙人代屏障仙
人懶散居高樓肯携酒脯登山頭醉中一揮快刀
斧斫碎百萬僵龍虬豁然青山盡放出仄處種松

平處秣肉華外夷得醉飽不教貧窶歎倉卒凡人
不仙亦凡策杖蠟屐皆口緘藍輿絕迹玉柱上
問誰得句鑄嶼巖麗江高人昨過我出記徵記急
於火世間勝概要親歷恨不鐵崖繫鐵鎖上窺析
木銀濤寬爭光競彩雙星寒下瞰蒼茫大海岸清
納雪水添波瀾及閭更縹閣風馬崑崙羣真逐騷
雅勝從玉壺望倒景龜魚交吐咽不下縈魂繞夢
經多時名山名土慚相知披裘西牕剪華燭春宵
玉粟寒生肌

葛天舞

貢生 陳祚興 劍川

余幼適博南見其宮室宴飲廳事之前有羣
夷萃俄而一人吹笙前導衆人各持犛尾隨
舞意亦祇以突厥舞之類而已後閱史記謂
葛天舞如是以噫是舞也見於遐陬其亦鄭子
識鳥官之遺歟禮失而求之野益信因作歌
以記之

博南黎首群萃舞手持犛尾躍如虎史稱創制自葛
天遐荒萬載不圖睹婆娑粲者具中華踴躍邊氓存
太古吹笙鼓箏導引行日之方中皆前俯禮失求野
類鳥官未許僅論突厥數淵明羲皇以上思若傳好
作無懷伍

望老君山

貢生 郡人 楊宗時

君山嵯峨控西極光景遙從太古闢陰巖迎面絕人
蹤峻插青天峯劣削層巒疊嶂紛極目一望蜿蜒各
起伏無端巖業聳千尋鎮峙天門疊崖屋中藏元氣
自渾淪七十二龍峰下蟠一峰一潭一龍沿風雨晦
明難具論猿梯彷彿通仙界警效恍疑落天外丹竈
化書至今存碧霞紫文晡靄寶光奕奕清澗裏盈盈
丈珊瑚挺中起神物那許俗子窺雲雷白日轟眼底
我生好遊厭人寰每日神馳白雲間名山咫尺桑梓

近俗緣深重恨難攀可憐身宮值唐竭流落風塵生
白髮何時攜屐陟山巔一樽清醪酌明月

雪中遊雪山玉柱碑所作贈沙雪湖明府 馬之龍 邑人

江頭昨夜雪山裂衆山分得雪山雪點蒼詩人興不
凡擎杯仰看碑嶄巖剛風拔木橫山路前後行人隔
煙霧高峯不動寒日沉笑謂玉京我將住

甲子登阿烈伯見雪山全豹馬上作 貢生 邑人 楊泗藻

玉龍飛渡金江北萬丈寒光千里白忽如瑤島飛空
來萬壑千山黯無色扶輿磅礴從崑崙到此結成花

馬國不知有山自何始有雪始於有山日雪山山雪
 兩難分是雪是山實奇絕繫余家住山之南一班僅
 見雪山側舊聞真面天下奇不到江東不曾識甲子
 三月渡鴻門甲子正月鶴營奔潰余渡江往永北嶺送
 風流如惜別回頭三月復總鎮廉渡鴻門克復麗江見山雪瓊
 樓玉宇凌空懸仙杖禹碑依稀列山半有仙舊杖一
 玉壁銀屏亘萬古玉龍肥瘦安可測傍峰俱經巨靈
 劈鬼工削成玉笋矗惜哉大物埋邊徼五嶽神奇不
 足六嶽寄變態極於天上踞滇黔與楚粵吾聞嶽降
 崧生申及甫此山得無鍾英傑魏晉而上沉荒遐蒙
 段以還間生哲阿琮酋長千戶侯孟津之勲勒碑碣
 山靈不許土氛蒙陋習一洗改故轍名山嘖仁在人
 口勃洩精華永未歇點蒼擊鼓動地來封豕突破琉
 璃闕雪山山下霾烽烟玉塵染紅杜鵑血我苦與賊
 爭此山得失難憑愧才劣噫嘻吁白袍白馬更何有
 臨風助陣不曾說雪石北嶽景帝而江土祖每有干戈
 憑誰掃盪妖氣重見瑞煙同我雪山千秋萬古永沒
 石鼓謠
 諸生
 桑柄斗

石鼓開吹角來石鼓合唱凱回鼓兮鼓兮聽我歌我
歌征人從軍樂鼓開鼓合奈若何嘉慶壬戌冬十月
獾獾跳梁久不歇長江倒看紅石巖弩箭如雨灑腥
血蒲谷鎗礮空傳聲落日荒涼戰不成三年獾獾盡
餓倒山田山地無人耕僵卧頭耳恣割取一個首顱
五兩輕劍川城中賀太平一日功成江水清迤西四
府夜開宴紅頂白頂遍軍營肥馬趨塵如風過斑眼
翎子耀眼明嗟乎赤子百萬衆安得長江億萬年
永洗甲兵長不用

修文橋閣詩竝序

通判程廷偉

辛丑冬余於宮牆外玉河當急流處以木石為
橋建三楹於此名曰修文蓋以征西之師凱
旋地方葺學宮此橋因之造成耳橋之南有
畝地曠而圓環山繞水雅有幽趣復於洲半
構商一而壯遊覽雖蠻貊之邦而於溪山之
勝後有同志而葺之庶斯閣與橋並不朽也
從來名勝地實維山與水山色幻晴陰水音激角徵
開軒於其間幽趣煙雲裏若乏斯二者工巧終末技
宦遊如賓鴻山川常遍履每逢一佳境歡賞輒不已
况復臨絕域得之能勿喜環山雜鳴禽曲水頻躍鯉
架橋砥中流橫舟差可擬半畝沙洲圓一閣凌空起

龍從秀當前，漣漪清見底。仰觀豁煩襟，俯視滌塵滓。
政閒從吾好，獨步時至止。互鄉難與言，蠻貊詎相似。
聖人教猶存，揖讓或能使。姐豆事嘗聞，禮義自茲始。

丁巳仲夏，學使孫按部迤西，率麗庠諸生赴榆城，應試過楊節婦坊前感賦。

萬咸燕

從來士守貞，猶如女守節。同在天地間，恃此不磨滅。
賢哉學使君，以是定優劣。我亦多士長，來榆勉就列。
行經郡城中，仰見雙標揭。趙女適西清，白家聲別、
對之深浩歎，巾幘勵冰雪。為儒苟非真，何以堪比繫。
想其茹苦時，泣盡眼中血。鸞書天上来，轉念增嗚咽。
危矣白璧姿，共矢心如鐵。

送未亭管太守入覲

前人

雪山何轟轟，地盡古荒服。睽茲南顧心，巖疆寄守牧。
卓矣管使君，經術爛笥腹。書生道固殊，恬懷塵耕讀。
比屋藹絃誦，賣刀釋羽箠。豈不善操割，至理貴還樸。
四野閔淳風，帝歌世渾穆。入告意慇懃，邊黎重煦育。
登車屬父老，春草健雙犢。

麗江太守管君武門教授萬子舒仲同修學宮

纂郡志興賢育才文教振於遐方今之官師也詩以
美之

正詹李

紱臨川

玉龍山崖巍俯視華與衡金沙水激激璨為五寶精
地靈人必傑待時乃一興管守吾鄉彥萬子通門英
同時司教養宝剑雌雄併泮水作新宮掌故摛昔乘
多士日講肆奇光奎璧騰文章與功業麥木甯侈稱
聲教看西被蕃藏來王庭乃知儒術效坐令王化行
萬里寄吟箋期君歸承明

老君山

太和沙

琛

崑崙峯南下金滄夾西東隆然起中阜區劃勿相蒙
盤礴四萬里茲實南條宗日昨羊道山冰雪表曼峯
稜稜疎天柱疊嶂紛巖岫邈迤三日程西水鳴淙淙
九十九龍潭匪彼神靈蹤東下下陽岑朗列青芙蓉
晴雲澹容與積氣含冲融須弥蟠地海根苑無近功
嘗聞春雁歸卵育依龍葱南北萬餘里於此朔漠同
人生跼方隅遊覽何能窮夕春照長坂茅店環深松
汲澗煮山毛即事非忽也

石鼓謠

廩生王

璠

下馬飲君酒停杯聽我謠石鼓開獠兵有石鼓合獠
兵無石鼓開還合獠兵去更來君謂兵毋瀆安得永
無不復有我道石不轉但願常合不常開

土兵行二首

桑映斗邑人

老翁倚墻涕自悲骨髓乾大男南隴死次男維西殘
只此膝下孫暮景相為歡謂當從戎去淚眼忍相看
強者負人去仍得室家完老翁攜孫歎何詞對上官
救兵如救火就道不及餐強使荷戈去嗒焉摧心肝
東風吹白髮庭前形影單

其二

前人

勿折連理枝連理折不開勿打鴛鴦鳥鴛鴦別離哀
結縭曾幾日羽書日夜催新婦向夫泣欲言且徘徊
含羞不敢道柔腸幾曲回纍纍蒲枝子記取庭前梅
妾生不如物妝奩生塵埃山前望夫石千古不成灰
送李果亭庶常歸

馬之龍

幾年不相見相見又別離別離豈獨我而我獨難為
為客常送客况是故鄉歸去見鄰里道我常相思

江村晚眺

明木公

江上層雲合江村結暮陰漁燈半明滅風雨葦花深

塞上曲

前人

刁斗深夜鳴烽煙報虜營將軍不惜死躍馬寶刀明

蓮地飲泛

蒲船紅紫漾醉唱采蓮歌畫鼓聲相應波心逐隊過

絕句四首

我欲采芳芷因茲晴日暉浣紗素足女回望雙鷓飛

又

褰裳涉蘭沚冷怯金風吹遙憶楚江客相期知幾時

又

妾心如秋水妾淚如秋波不見良人久憂思將奈何

又

采菱復采菱采菱不盈把匹鳥游波心行人莫亂打

阿喜江

管學宣

濟此涉中甸君心懷皎潔清阿喜水白玉龍雪

渡瀾滄

前人

今日瀾滄渡博南一望雲誠求九種赤不復為他人

官衙春到自植桃柳

前人

愧少甘棠蔽且求桃柳陰先生豈五柳壽母蟠桃心

九河驛舍見菊

萬成燕

一路蒼茫色樓頭野菊黃客裝同冷淡晚菊愛寒香

除夕發石鼓

前人

書破三千卷微名薄暮年深山冰雪道除夕未停鞭

丹書洞

郡人楊廷幹

猶龍此著書寶笈留元素俗子浪相窺雲雷鎮呵護

珊瑚樹

誰栽七寶池徑足生紅玉鐵網漫教羅門奇向金谷

飛練峰

蒼々匹練痕萬丈白條下飛灑徧塵寰翻當認作馬

戲珠巖

驪龍抱領珠入夜恣遊戲寶燄撒金蓮俄頃輝十地

嘯風澗

天半長風號聲嘶萬馬過何當馭鶴遊恐吹青霄破

琉璃池

迷離萬頃涵鏡影斗南朗對此燭鬚眉清空澄心想

九華島

蓬島縮成拳玲瓏入奇品有人恣卧遊當借龜茲枕
雨石臺

紛々落危巒恍疑天墜石儻值元章公甲乙何揀擇
噓雲窟

吹噓一氣微半谷渲水墨變化總難知陰晴判頃刻

薜荔廠

一片鋪蒼紋縱橫織如素誰遺錦繡段覆此元闕路

右老君山十景

五言絕

石窟

邑人馬之龍

山頭巨石懸石底開窟一坐三十年寒風生瘦骨

太極院

前人

太極高峰上松風竟日閒斜陽不肯落一片白雲遠

翠屏山二首

前人

日出翠屏山鐘鳴法雲閣一僧何處來滿地松風落

又

前人

月上翠屏山清輝滿臺閣山中客不歸林外疎星落

七言截

嘉靖恩賜輯寧邊境四字

明木公

輯寧邊境自天來
跪捧黃章向北開
金畫滾龍蟠御
字玉音璽篆煥雷雲

華馬國

巨津州名著元世祖駐驛於此

前人

政暇西行華馬國
鐵橋南渡石門關
北來黑水通巴
蜀東注三危萬里山

飲春會

前人

官家春會與民同
土釀鵝竿節上通一
匝蘆笙吹來

斷踏歌起無月明中

種柳

前人

雙楊初種幾經春
始見長條已拂塵
萬縷綠陰堪作
帳一枝不許贈行人

南浦小景

前人

白上蘆花遠上樓相思一
片故人愁北城
明月懸雙
杵南浦清風泊小舟

惜花

前人

東風幾日忒狂吹
萬片飛紅迷草池
蝴蝶不知春已

去隻_レ猶戀殘枝

居芝山錄二首

土知府木

增郡人

步入桃花見落花便同仙子飲流霞不知陵谷多遷
變戲把瓊盃學種瓜

又

策杖攜籃採露芽溪流盡處見桃花洞中有叟招予
坐一鉢青精一盞茶

宿金沙

十月妖花紅滿煙萬家蠻樹綠遮天眼中忽見渾相

識夢裡曾遊瘴海邊

聞滇貴道阻問瑞芝中丞

學士湯顯祖臨川

金沙原與蜀通津路出黔陽萬里程何事不教通一
線瀾滄千古屬他人

麗江詞

麗江府即古笮國地也地寒五穀希少
御史謫戍施武無錫

唯產沙金麻布之類方伯用貢金必索其直
從來直指公皆不按其地聽之而已
人皆耳上環好衣紅與西藏相類

麗江水繞雪山寒郡縣羈縻異國看千里羅些地無
貢賦黃金有價不輸官按此時麗江有貢賦而無
黃金今昔之異不可不知

雪山門

即太子關鑄
關前石上

都督文

岳長安

江上清明宴眾軍洗兵好雨落紛紛太平翰墨遺崖
畔千古流傳漢將文

雪麓偶吟

唐

泰

見前

風吹秋色過金江日午纔開屋後窗不為僧衣無葉
補只因老雪果難降

冰豪室海棠

前人

一花著雨尚垂絲猶似當年睡醒時寄語海棠休作
態黃金不買淡胭脂

賞花吟

前人

不學疎狂亦喜花不須攜具到農家時人莫笑山僧
苦老瓦盆中自有茶

康熙戊戌除夕已亥上元節俱駐師金沙江上
予不能詩口占四首

聊志一時之
事云

總督
蔣陳錫常熟

一年兩度駐霓旌按軍禮載
王命而行江草江花倍有情兩岸
蕃夷齊拜首萬年天子際昇平

風捲黃沙塞草稀炊煙一飯莫嫌饑興師不是尋常
事除夕三軍卧鐵衣

十二欄杆馬上行十二欄杆通中雪山重疊見分明
天然一幅瑤池景小李將軍畫不成
牙旗燈火夜光熒月滿江流雪滿汀讀罷陰符經一
卷坐看南極老人星老人星惟

前題和韻

許賀來見前

江頭雪影映麾旌刁斗聲中除夜情龍馬精神裴晉
國淮西早喜一時平
花鳥蠻方見亦稀飽看山色欲忘饑青溪白石金沙
畔負弩車前拜袞衣

褰帷仗越按軍行虎帳春燈月共明自有疑兵驚草
木風清邊塞報功成
燭影雙旌入夜熒不須火樹耀沙汀江邊父老窺天
象今夜文星是將星

歸思二截

管學宣

膝下承歡事若何母齡八十壽年多喜心未罷憂心
逐麗水雪山長好麼
官貧莫與赤黎富養薄須求菽水歡吾子啼饑吾母
老為臣不易為兒難

課農六章

前人

萬里邊氓重拊循
難艱稼穡舊嘗親
幽風讀罷課苗黍
六穀年七較量頻

好將耜耒負南郊
兩木斲樛象益爻
漫說神農開地力
風雷有義應推敲

粒食聖人宵旰憂
象耕難再鳥耘休
掀翻高下憑誰力
丁櫟郭椒念爾牛

上中中下等殊差
赤白青黃物土宜
肥瘠不同耕耨異
天時人事共周咨

上農寧異下農田
五九殊人食共天
孟氏亦言耕者糞
莫慚形穢乞豐年

倬彼甫田我既臧
我民應得共如梁
倉盈庾億三農慶
田祖有神眾賽羊

奉檄勘墾柳都夜坐

萬咸燕

雪白山青月掛林
長江東去響泠泠
民依國計皆堪念
老墾新荒費苦吟

學舍秋吟和段蔚斯
寅友韻

五首前

人

嫩綠紛披點碎紅
柔姿何自舞秋風
隨堤碧草家心

恨不怨織工怨剪工 剪紅羅

羨餘甕底何須乞盈把秋英爛醉時滿眼黃金不賣
賦肯將五斗慰朝饑 糲米菊

石人 巨甸小河口有石狀如人立名恩貢王焯

介石魁奇對碧流歷年未卜幾春秋道旁拱立曾無
語一被摩挲便點頭

筏子 舉人李玉湛

飄來一葉破中流不是革囊不是舟試問乘槎張博
望滔上何處覓源頭

五言律

題雪山

明木公

郡北無雙嶽滇南第一峰四時光皎潔萬古勢巖從
絕頂星河轉危巔日月通寒威千里望玉立雪山崇
五月過乾海地 前人

偶經乾海地廣莫似難過山到平原盡江迴曲岸多
樵村依遠麓牧徑轉危坡正值農栽候田疇響白歌
曉行北浪滄

岸響江流急凌寒浙浙風斷猿哀曉月窮雁唳秋空

漁隱蘆花白
樵歸柿葉紅
馬蹄霜徑冷
去上遠林通
未秋雨晴步
遊眺西山蘭若

前人

收雨杪秋節
蒼旻寒漸威
雲移山似動
風送葉如飛
叢晚紺蟠戲
巢空倦鳥歸
遙聞鐘暮急
歧路行人稀

遊十九峯深處

前人

深幽遠入林
僻徑轉難尋
雲漏斜暉影
山藏古雪陰
葦蘿懸樹密
潭水出溪深
闌地無人到
寒猿日自吟

冬日簡答譚明府

前人

天寒忘盥櫛
日知廢歌吟
客淚揮江漢
淒風起樹林
老將筋力憊
愁散酒杯深
一簡通消息
故人知此心

登望湖樓

前人

山郭雨初收
湖光迥入樓
日殘魚傍岸
天冷雁橫秋
樹響驚愁思
村舂急暮颼
孤吟憶王粲
望斷碧雲浮

雪山

選貢唐 秦 晉寧

到此無冬夏
峯上 一丘冰骨撐
風猛烈腰繫
玉峻嶒
色古終難繪
數奇未可增
阿誰曾具骨
惡煖最宜登

移石草亭

土知府木 青 郡人

萬松深窈處
獨構此茅廬
劖地移新竹
通泉溜水渠

琴書常作侶木石與為居笑殺求名者蟠溪一老漁

望雪山

國朝署知府姚應鶴

山峯何崒律絕頂插雲霄寒氣侵人面晶光射樹梢
漫云銀作骨還以玉為腰我欲尋梅去依稀嶺路遙

麗江雜詩二首

倪蛻松江

晚街分鬼市蠻婦雜雌聲屋小皆甌脫人稀半寄生
通蕃俱有路設險竟無城辛苦邊防計年々足踐更
纂譜從秋葉追原自古年頗疑天女誕或信麥宗賢
漢詔猶蠻觸元官卻世延從來經國事遠御有微權

王師平定西藏恭紀 三首

侍講許賀來石屏

聖主綏邊徼天潢拜總戎軍麾臨蜀道驃騎走滇中
十二欄杆險三千甲冑雄嫖姚諸將在柔遠慰宸衷
麗水三春漲雪山五月寒浮橋飛渡險轉粟上天難
師旅齊深入蕃夷與又安烽煙消指日立馬望雲端
祇為安邊功寧辭塞路賒雲中過玉壘雪裏渡金沙
野飯添烟火山風冷暮笳王師知不戰飛捷奏京華

麗江寺聞蟬

管學宣

秋老蟬聲急山高霧氣寒馬愁泥滑々人怖水湍々

紅葉雜新竹蒼松迎舊官無端離別意骨肉幾時團
己未三春喜雨送四寶還藏 前人

甘雨乍灑潤玉散更珠聯法雨東風後慈雲西土先
宰官芻牧願活佛雪花禪不識君來意衆生說有年

聽人說過太子關

桑映斗

聞道邊關路由來險不平天寬爭地窄山勢讓江声

虎過經宵跡魑啼白晝行沙益與乳酒嘔吐說夷情

雪山十二景圖 有序

舉人 木正源

麗江雪山名山而隱者也假使移時中土不共

惟

五嶽膺封享祀即歷來名流輩不且題咏盈帙哉
故天下有不經見五嶽而無不知有五嶽者以傳
之赫播名海內也雪山僻在邊徼無人傳焉傳
不傳無加損於山之靈也然而邑有名勝不能為
之揄揚何異日親炙於碩德高賢而曾無所啟發
不亦為士君子之羞歟今按郡志所載詩賦詞固
奇偉率皆祇及規模大致未盡廬匡全相也余生
長其麓見聞頗悉爰不揣謏陋細為覩縷因前人
咏玉湖倒影一景復行為十二景各綴以小叙并

附五言近體一章固知凡響無以達鉅觀豈敢謂
補所未備聊存案頭吟箋以誌仰止之意已耳抑
又思麗邑瘴癘不生寒暑平而民少疾病者孰非
雪山所呵護哉人文今漸啟矣異日者猶將以蜿
蜒磅礴之氣篤生傑士偉人則山且以人傳而不
僅以文傳也惟是當吾之身受其庇廕亦祇同喆
喆睢_口於其側毋乃負山實甚風雅諸公當不以
余言為妄也倘肯重加斧藻為之抽秘騁妍使夫
不經見雪山者如親目焉並知五嶽外之名山而
隱者有此雪山是則余之所心祝也夫

玉湖倒影

可望不可即瑤島鏡中圍浸浪嵐如滴皴紋雪欲飛
龍宮擎玉柱貝闕淨澄暉一丘空明界中涵幻化機

金江劈流

巨靈劈不倒江自破山行無雨雲常懸如雷石亂鳴
落濤和地捲飛瀑撼天驚內界經流始神功莫可名

三春煙籠

煙光縹緲中玉巘自冲融似覺寒威露因教薄靄籠

雪痕晴澹沱天影碧玲瓏蘊藉丰神別陽春蔭更隆

六月雲帶

天公頒玉帶捧出命雲師肅冰容立森圍雪氣垂、
課農勤結束祛癘助威儀百匝鴻濛就年七不愆期

晴霞五色

釀得千秋雪蒸來五色霞丹青描粉本錦繡襯瓊花
縹緲靈光合橫拖碧漢斜彩雲朝暮現長此迓休嘉

夜月雙輝

一碧渾無際山光月影肥星辰芒欲曙天地氣交輝

萬戶煙俱淨三霄路不違寄言跨鶴客時傍玉龍飛

曉前曙色

咸池方浴出此地扶桑月落凌晨氣星微送曙光、
位高朝北極恩早受東皇日觀同瞻仰端宜谷號暘

暝後夕陽

千年常雪亮一角又天明暮色遲迴意餘曛繫戀情
昏黃群嶂合淺碧半尖橫孰共龍門興連宵朗上行

白泉玉液

忽訝銀河瀉奔流到下方雪精融玉液山骨釀珠漿

派衍寒沙白波翻夕照黃問嘗飲此者曾否滌心腸
綠雪奇峰

草樹不生處何來綠滿川芒稜空翠靄影逼蔚藍天
石案排青玉雲窩上碧烟倘如歌白雪應賦綠章聯
龍甲生雲

膚寸雨天下從龍上作雲近宵常化盤雪忽氤氳
一縷鱗間起千團瓜上分三農時慰望呵護仰神勳
銀燈炫燄

作上芒齊射銀花玉彩臚千燈寒雪裏萬影午晴初
碎點紛明滅搖光幻斂舒願言還供養長蔭瑞靄儲
再咏雪山

萬丈排空白笏峰堆來太古雪重上形連盡地奔花
馬勢降從天駕玉龍瘴毒全銷澄日色煙塵不到淨
雲容靈光縹緲神功在肯受牟尋僭偽封

僧樓午睡後偶成

舉人段 繡

梅林秋欲老客意老於秋黃葉紛辭樹青山逼近樓
蘧上剛夢蝶鬱上類居鳩除却吟毫外持籌盡拙謀

多坡羅南庄秋夜

恩貢楊泗藻

山亭秋氣淨暮夜復如何隔岸一犬吠前村明月多
泉声助嗚咽樹影鬱嵯峩倘遂買山計留將作蠶窩

木別灣過寒食

前人

鄉思鬱江頭狂風晚撲樓一生為客老佳節使人愁
任去輸歸雁餘閒羨戲鷗飄上無定可何處泊孤舟

尋玉龍泉水源

前人

亂山奇險處荒逕曲盤開怪石鬼神護靈幡風雨來
林深通鳥道泉出孕龍胎薄暮歸思晚狂歌踏月回

至山村

諸生和文芸

山村何所有四面起秋風松樹連峰翠蒼花匝地紅
人歌田舍外犬吠竹籬中夕照留行客鄰家曲徑通

難中遇新春有感

前人

征役無休日干戈已七年淚垂花帶雨眉蹙柳含煙
制度非仍舊衣冠不似前山河空悵望何處告顛連

巨津變亂書懷六章

李玉湛

故國初淪沒迤西此游^上羶裘尊大漢號令趁高秋
和榮軒以辛酉九月由無忌遂興義伯言相佐謀陸維西進兵克復麗江城

其二

楊業奔山後睢陽此治軍
鶴城復陷王科隨下東昭駐防沿江扼峻追上將潤探知逆首姚得勝潤率在鳳科辨理如故得勝故劇賊就民房為營壘以數十人入圍之數周地遣取接應我兵轉敗得勝逸去十人入死守而暗地又以數百人夜襲劍城破之而城復陷諸蔡樹奇勲赴中維等處徵發接濟未及而城復陷諸

生何慎言方惜長鯨竄仍教義士焚書生乃慷慨大
舉家自焚

其三

草^上踰城走飛繩跨女牆士民同挺鹿道路泣斜陽
城未臨時委練日王鳳等駐守日夜縱酒為樂初不事

其四

號會携挈地旄邱好寓黎驚看楚人炬轉致衆心迷
事勢急則各目先繼城走士民携繫相隨劍城為空

內難方奔駭前途更愴悽殘生何處所進退失羈栖

潤赴維時以儘先都司楊清為統帶飭駐九河抗賊援路
清既奉命而逗遛沿江屢促不前至石鼓聞城已陷輒
將該地營盤概行燬盡避難士民遠見火煙以為賊已到
石鼓大受驚恐至有樸崖死者

其五

中澤哀鳴雁嗷嗷生意微邢亡誰與復紀滅更何歸
坐使奔河衆無人解趙圍乞援頻痛哭盼斷夕陽輝

其六

魯以卑邾辱莫教死小羅將軍敢欺敵家賊方倒戈
清既焚石鼓大營不為衆論所容遂以所屬馳赴麗邑降賊各目素易清多不作准備決策謀
須定行師克在和荆栖甯可穩部曲異心多

大具旅館題雪山

恩貢王

淳邑人

峭壁摩霄漢滇南一大觀四時銀鶴聚千古玉龍蟠
面上煙痕澈峯上瑞色攢山高晴亦雪風急暑猶寒
何當臨絕頂直上白雲端

七言律

咂酒

元長梁王王廷

封拆黃泥歲月遙繞瓶活火謾為燒枯筒未試香先
透熟水頻添味轉饒冷暖既隨人異態縮盈還與海
同潮其中春色知多少任是淵明也折腰

火把節

郎中文章甫

雲披紅日恰啣山
烈炬參差競往還
萬朵蓮花開海
市一天星斗下人
間只疑燈火燒元
夜誰料鄉儺到
百蠻此日吾皇調
玉燭更於何處覓
神姦

兩關使節

明土知府

木

泰郡人

郡治南山設兩關
兩關竝扼兩山間
霓旌風送難留
阻驛騎星馳易往
還鳳詔每來紅日
近鶴書不到白
雲閑折梅寄贈皇
華使願上封章慰
百蠻

早發金沙江

定襄伯

郭

登遼東

征帆如箭鼓聲催
舟渡金沙更向西
石棧夜添蠻雨
滑曉江晴壓瘴雲
低水邊烏鬼迎人
起竹裏青猿望
客啼又隔滇陽幾
千里桐花榕葉晚
淒淒

白沙廟

儒士朱

雲臨江

古木叢中廟象新
歲無虛日賽神靈
林鴉得食常迎
客山獸馴廊不避
人蒙氏皇封遐若
邇元朝聖號儼
然真非惟定國安
邦祚享祀明皇萬
春

謁北嶽

教毓元新喻

北嶽同欽華嶽尊詔南何自有乾坤祠煙昔罩蒙首
地嶺雪今輝木守門林影誤疑朝鶴舞岩光肯受夜
狐蹲黃堂謁罷同觀宴獨有孤臣暗愴魂

其二

雄鎮滇隅勢獨尊裏頭白石自乾坤巉穹玉筍輝璇
漢不夜銀城銷石門白石金江江餘液潤蜘蛛花馬並山
凍鴟蹲披榛到此觀靈跡滿目寒光冷沁魂

其三

犁牛環拱玉龍尊鱗甲層層壓乾坤素質不白帝陰

資原自有門晴雲獲勢千濤湧夜月團輝萬馬蹲自
古炎風消不盡取經浪說奪天魂

麗江道中作

窮極滇荒壯謫官此身寒落此心安嵐蒸行轎晴簷
涇雲清征裳暑服寒萬里乾坤同日月百年邊徼一
衣冠江山幸與供吟興更有羲文靜裏觀

明月終懸碣石松聯句

雲南憲副分守金滄道
莆田林俊與毓元聯句

歷盡風煙幾萬重臨西因得會仙蹤俊周爰天際騰

花馬毓元隱約雲間見玉龍後甘澍隨程春意藹毓
元陽和除網聖恩濃後誰知末岁千秋翳毓元明月
終懸礪砢松後

述懷

木公

麗江西通西戎地府近西域四郡齊民一姓和四州
民通權鎮鐵橋垂法遠萬歲及蘇榮建兵威銅柱
賜恩多嘉靖二十年為大慶事揮選胸中恆運平蠻
策閫外長開捍虜戈憂國不忘駕馬志赤心千古壯
山河

訪徵君樊雪須留飲小洞

前人

四悔城南橘柚森故人不欠日相尋寒枝月挂青猿
影紫蔓風牽小洞陰注茗山泉活鐵筆塗松水
墨淋曲徑草交人不到清風明月柴門深

夏日留飲三松水亭

前人

炎晝水亭蒼雪涼薰風搖颺藕花香玉杯行酒莫辭
醉錦軸題詩好自狂白鳥劇飛矜小雨濃雲亂擁失
斜陽老夫更有山居興短褐青巾引杖長

晚晴獨詠

前人

湖草青上湖水平晚將無雨天漸晴挂帆不管柳花
亂蕩槳那妨睢鳥驚頻吟短句向誰詠獨對芳尊聊
自傾鴨頭橫倚醉眸望惟見龍峯春雪明

憶舊遊懷木雪山太守

雪山名公
字恕卿

張含見前

憶昨同船汎玉湖夜筵詩酒屬狂夫摩霄野樹凝霜
露疊浪遙山蹙畫圖雪照鐵橋秋氣動月籠沙浦雁
聲呼防邊兵甲驅龍劍奕世關河控虎符

玉湖秋興

木增

露下偏宜月色斜翠微深處是山家松風長吼涼生

座庭桂飄香藥自花遙憶神京看北斗卻從秋水誦
南華閒追杜甫舒餘興撫景高歌樂事賒

文筆凌雲

明土知府

木增郡人

東壁圖書照麗陽湖邊文筆碧霄翔峯常絢彩何須
夢天自書雲為紀祥列岫層巒皆几案行雲流水盡
文章巨靈千載題春雪始信如椽出大方

晚歸白屋

山翁終日卧牛衣雲氣侵窓煙雨霏箬笠穿霞歸野
渡芒鞋踏露入雲扉每沽前塢村醪美獨釣長江春

鰕肥蓬壁竹籬流水合蒼苔漸厚客來稀

登文筆峯

前人

玉嶽千層插碧霄筆峯南峙共迢遙鋒如玉笋蘭毫
銳硯是銀湖墨浪潮獨立風塵隨品藻憑虛星斗貫
參寥巨靈欲為開文獻著作重光亘代標

雪山

土知府木

靖郡人

邊關一竇隔巒岼固守提封去路難玉壘千年存古
雪金沙萬里走波瀾輿圖雖盡天猶廣月令無憑夏
亦寒磅礴遠呈精白意忽從日下見長安

前題

唐 秦

怕凍休來麗水邊生憎三伏也須綿甯教崕嶠高千
丈不放峨眉出半天露或為今霜有據雨皆成雪古
無傳漫勞玉斧工裁割直抵崑崙一皓然

遊白沙院

國朝巡撫甘國璧襄平

小春天氣日高春選勝探奇興倍濃寒草白沙無野
色碧雲紅冷山容屏峯常積千年雪古院惟存百尺
松風景依然興廢異老僧指點話喁

解脫林即事

姚應鶴

公餘策馬出青郊日午風和興更豪綠野千疇翻麥浪蒼松萬樹起春濤山門石徑盤旋上殿閣瑤臺層疊高多少緇衣來問訊梵音鳥語兩嘈嘈

春正瑞雪 三首之一

訓導段如芸 晉甯

彤雲密布六花飛預兆今年五穀肥素抹蒼苔鋪碎玉新粧瓊樹舞霓衣層層嵐氣銀光皎疊疊樓台瑞色輝自是太虛開景象山河萬里燦珠璣

過塔城關

管學宣

誰把金沙鞭石堆塔城層疊幾縈迴戍樓猶峙千峯靖鉄鎖久沉一水開此日青黎紛沃壤當年白骨冷泉台我生聖世不兵甲足馬出關亦快哉

壬戌五月朔後一日謁學偕太守管公集諸生於明倫講藝時公有歸養之請感茲盛會賦贈二章

巡察朱鳳英 南昌

越嵩巖開百雉城黌宮池鑿漢昆明鸞旂畫擁千峯雪魚藻雲鋪一鑑泓典禮舊藏周柱史傳經猶對魯

諸生薰風日永鱣堂靜太守絃歌雅化成

萬里迢迢重拊圖循百蠻歸附版圖新身辭殿陛懷君切地迥庭幃諗母真定省叮嚀桑梓舊經猷留戀輔

車新諸生惆悵歌姬哀一斥鴻飛嶺樹春

展謁玉龍祠二首之一

知府孔繼所

幾圍綠樹象山陰中有龍宮倚碧岑乳竇穿林來百

尺雪花携雨落千尋龍宮與雪官傳管子存興廢太守

管公多所舉龍宮其一也地接夷風變古今偏自我來霖不了

莫教甘澤化為霖

革囊

前人

金江過渡似輕鷗水面往來不須舟浪逐千翻漂上

下虛涵一氣任沉浮無殊駕葉歸西北何異乘槎問

斗牛此物巧奇難罕見能騎四海可安流

九日登黃山

拔貢楊堦

最難九日無風雨有約黃花載酒行白馬村前沙路

淨黃山高處翠微橫披襟落帽多狂趣古往今來無

限情歸飲層樓俯一笑月華滿地興偏清

燕子巖

拔貢牛燾邑人

細雨羊腸道秋風燕子巖灘聲三峽壯棧路五丁剗
瀑落雲常涇天低石欲嵌嵌遐荒多僻景題句付嶢

石鼓碑

碑在江流轉處明嘉靖廿七年戊申蕃賊出掠臨西麗江土
司木高矜平其象已酉又掠巨津高又破之碑文並
詩詞等係高自紀其功

斤石磨寒月五花鐫赤紋銅曾標漢柱鼓擬篆周文
寶鏡澄秋月蒼苔翳片雲摩沙開合跡莫向故將軍

石門關

前人

巖闕橫絕處石棧曲盤上塞月臨江白悲笳入夜闌
草楛雲磴滑葉落馬蹄乾此日邊亭吏黃昏下釣竿

紅石巖

前人

鬼斧削何平天抵一石撐火雲連蜀棧紅日擁霞城
猿狖愁宵渡鮫鮠伏晝鳴定知橫槩客對此怯談兵

瀾滄江

即禹貢入南之黑水自擦木多昌都二水交
匯其流始大經淮西過永昌緬甸

派落西荒外洪濤捲地來灘高鼓怒雪峽迫驅潛雷
野渡繩爭溜巖梁棧欲摧東南雄保障聲震渤溟隈

乙丑逃難江村除夕有感

拔貢和 欽 邑人

已是無家者江村剩此身與兒同守歲異地更窮人
日月傷催老流離懶話春遙看頻拭目但願太平新

元世祖駐蹕處

桑映斗

豈料革囊勝漢槎不勞鐵鎖衛金沙
貔貅舊說屯千帳煙火如今近萬家
山下園丁澆黑土樽前胡拍怨
清笳回頭五百年間事落日城邊止暮鴉

露宿金沙江岸

前人

傾盡觴壺自破愁笑余何事作斯遊
濤飛樹杪掀天響浪拍巖腰捲月流
滾長江奔眼底茫茫百感上
心頭棲身石磧難成寐問渡前村露氣稠

庚寅閏四月二十三日慈雲庵古柏有白鶴棲止

和竹廬老人原韻

清庚吉士李樾邑人

千歲胎禽品格稀冲天逸翮傲齊威
壽星跨去留仙跡古柏棲來挹瑞暉
韻事傳疑談鑿禪心入幻想
非三株舊繞瓊林樹偶向黃山佳處飛
樓笛緜笙悵久違仙才自古嘆知希
騎從閭苑曾高會謫下雲車帶旭暉
證佛妙參禪外偈對人羞弄舞
時衣珊終是蓬萊客莫向塵寰低處飛

望雪山

前人

靈鷲飛來第幾峯
癸曇雲面壁托奇蹤
花開蒼筍三千樹
犀辟塵埃一萬重
地畫番夷銀表柱
天連竺國玉

盤龍點蒼鷄足兒孫列不假蒙首恆嶽封

山齋

前人

閒庭晝靜日遲遲
淨几明窗獨坐時
野鼠窺人松葉
架山鷄聽蟀豆花籬
雲移屋角蕉猶濕
風過簷牙竹
屢欹掃地焚香無別務
北窗高詠晚唐詩

哭辛府主本蔡二首

辛巳年少君際可特來檢發靈輻死已二十五年嫌

原棺太重易棺更身冠服若新定然

舉人李玉湛

移山力盡嘆無成
痛哭西南半壁傾
五屬悲愉皆至

性一時刑賞總多情
椎牛運甕丹心苦
說禮敦詩羽扇輕
誰道頭巾能負重
容予攘臂請長纓

其二

前人

木屑篙竿用有時
儲需儘可十年支
兵機不辨量沙
術虜勢何勞聚米為明鏡
高懸燭魑魅太阿剛斷決
狐狸西南厄運方伊始
星落前營悼數奇

輓辛太尊

舉人楊鳳友

憶昔公來始下車
滇雲蠹上亂萌芽
戈矛仗器修終
歲泝泝統書讀晚衙
撫士恩深如挾纊
籌糧計豫免

量沙宏圖未就身先死今古英雄共一嗟

其二

思濟艱危志未伸憂民報主竟捐身
桐鄉記較諸孫勝溫序情難故土
泯氣作山河形不敝生原正直沒
為神蓬萊萬里歸魂處定有仙人話舊因

椿靈歸山後見園中黃橘有感

僧妙明

數峯古雪曉蒼上霜壓茅廬橘正黃
一夜寒風吹落葉無由採折獻高堂

賞黃山自種梅花

種花人覺花前老樹應憐花下人
雪霜飛時挺骨力風塵靜處養精神
幾枝獨占江山暮數點仍開天地春
修到三生同證果花身即是老僧身

新構嵌雪樓

雪嶽為屏入座寒幽篁千箇作欄杆
鶴眠花徑松陰寂琴貯桐軒月色闌
丈室安禪容斗大高樓縱目放天寬
早知五壑藏身固木石同居學懶殘

前題

籌畫多年一月成安排卜築費經營
雲飛畫棟滋山

色雨滴蕉窗伴水聲極似袁安寒雪卧恰如叔則玉
山行生平守拙存吾道滿屋琴書自品評

小龍潭

泉飛夾道亂峯攢斷續烟村畫裏看山路欺人多行
佛樵歌款乃夕陽殘

安邊感懷

吾家亦住此江濱喚渡行船憶舊津天外山圍巴子
笛中梅譜錦江春驚濤欲醒三生事老母遙懷萬里
身不是邯鄲遊俠客烟波也解故鄉人

東林雜詠贈碧雲禪友

不夢風塵久寒山已定居清緣耽石水樂意玩琴書
鳳尾抽新箨龍鬚足野蔬汲泉兼得月著月茗香餘

青山安居和楊竹廬先生韻

住錫東林內幽居麋鹿隨雲來人定後山靜月明時
叢菊開松徑寒泉繞竹籬苔痕經有跡不與牧樵知

賞黃山自種梅花

栽培殊有意相對默無言冰玉同為骨風塵不到門、
淺深和月影疏淡認烟痕偕老黃山上凌然古幹存

棲雲庵訪道周上座

林壑幽深處卜居占一巒鳥嘯花影碎雨滴磬聲寒
春樹雲千頃虛窗竹數竿老僧偕白鶴松下倚欄干
麗江寺早行

翠繞羊腸路行程幾曲分深林雙屐雨破衲一肩雲
樹裏泉聲咽崖頭日色曛秋花羅夾道衣袖襲芳芬
正覺寺

屋後秋山瘦空庭落葉多柴門寒犬吠丹嶂白雲過
石亂泉鳴玉霜清竹護坡禪房甘淡泊不問意如何

謁武侯祠

丞相祠堂古欣然蜡屐尋三分先帝業六出老臣心
古柏蒼天翠修篁繞徑深至文留二表讀罷一沾襟

楚雄道中

跋涉雲程路行止不暫停春風無限意偏挂柳條青
和黃矩卿待御所贈原韻

守拙烟霞屋寓形天地間詩吟池畔草禪定雪中山
竹遙青風掃松窗明月闕無心雲一片出袖有時還

花馬竹枝詞

拔貢牛 素邑人
國朝

麥隴青々雉子驕含風嫋々柳枝條柳條盤作青絲
笠麥管吹成碧玉簫

又

金江春暖浪淘沙日々江頭數浪花人比黃金淘易
盡沙隨浪去似年華

勝蹟

古人遺蹟雖無關於政治之大然大庭氏之庫
夏后氏之台舉凡帝王之所建置下及賢士大
夫居處釣遊之所傳記必詳言之以資博雅者

之考證麗邑入版圖最後古蹟較少而自兩漢
以迄

本朝其沿革廢置遺址尚有可稽其他宮觀池榭
有可知者當備舉而登諸冊庶幾後之覽者有
所鑒焉

華馬國 即舊巨津州名昔元世祖駐驛於此木公
有詩曰政暇西行華馬國鐵橋南渡石關門北
來黑水通巴蜀東注三危萬里山

武侯營 在城西北一百餘里俗名曰粉牆傳為武

侯南征時建至今不傾楊士鵬有詩曰倚山面
水處人說武侯營競看烏蛇渡還超奇正兵寶
弓孤月滿故壘片雲橫丞相天成在烽烟永不
驚

白馬寨 明統志在巨津州南二里唐姐羗白馬氏

之裔居此

梵字崖 在城之西十八里芝山麓石上有梵字數十

行墨跡如新相傳異人麥宗手書崖下有足跡
夷人見之輒拜明嘉靖間其三十七代孫木公

有詩刻岩畔曰西園北畔石溪連四顧林巒靄
暮烟千古不磨岩上字一時因寫醉中篇風搖
鳳尾倚^匕竹水接仙源活^匕泉百代祖孫文藝
合天成妙語述其間

芝山洞 在城北雪山西南麓林木幽異岩畔有

洞旁建解脫禪林明熹宗賜名福國

太子洞 在雪山西北巖間相傳太子修行於此故

名

迦陀跌坐石在刺是里西南山麓傳昔水滂不通西

僧麼迦陀跌坐石筍叢中以杖穿穴洩水留有
足跡今建指雲寺於其上

石

鼓在城西七十里金沙江邊相傳武侯南征立
以鎮吐蕃厚尺餘邊有微縫嘉慶七年獾獾恆
乍綑作亂縫忽大開好事者輒塞以石亂平復
合石俱不見咸豐同治間狃匪構難其開合亦
如之鼓面舊無字明嘉靖辛酉土知府木高平
吐番刻凱歌於其上今存

龍

湫在城西南十里濶數畝四畔皆草結履及

一方三方皆動人或近之風雨驟至又名風雨
潭桑映斗有詩曰此地出水多出雲之來耶
雨紛雨初出潭涎未化滿山草木皆腥聞吾
聞世間龍最懶老睛睽醒亦罕旱魃公行狐
子于一掬自堅矜持滿有時燒燕投嗜好安居
一怒何其悍凡龍或然茲不然咨寒咨暑為民
悍我時垂釣此地過高山明媚掃秋螺潭光炯
映籐蘿月鏡面如拭淨不波或言下為龍洞府
往人見陰大吐落葉時有飛鳥啣漁師不敢

施網苦從來雲雨奠此邦未嘗牲醴煩民伍如
此山靈亦已廉齊民不知我心苦我讀離騷水
之汙行吟澤畔采芳芷水畔當謀二頃田不賦
樂饑如此水

苦

泉 有二一出吳烈里山澗一出刺沙村其味
微苦飲之卻疾土人取製紫金丹

鐵橋址

距廢巨津州一百三十里為南詔吐番交
會處鐵橋之建或曰吐番或曰隋史萬歲及蘇榮或
曰南詔閣羅鳳異牟尋歸唐時斷以絕吐、

蕃橋南有鐵橋城為吐蕃十六城之一嘗置橋
節度於此橋所跨處穴石鑄鐵為之冬日水清
鐵環猶見

佛

梨 在城大西門內文昌宮前相傳二寶法王
手植一幹獨出頂結繁枝上皆向東剖實瑩潔
如酥鮮味異常今無存

忠義坊

在土通判署右高數丈通體畫石堅緻玲
瓏明萬曆間木增奉 敕建

玉音樓

在土通判署右明萬曆間木增建今為祝

釐所額曰天威咫尺雄偉奇麗甲於滇西今廢

光碧樓 在城西門外土知府本增建

萬卷樓 在木府署左為木氏藏書所樓中凡宋明

各繕木以數萬計羣書鉅板大要俱備今樓廢
書亦散失間有零帙遺於民間上印萬卷樓記
皆近日坊間所無

望湖樓 在縣境內土知府木公望湖樓詩山郭雨

初收湖光迥入樓日殘魚集岸天冷雁橫秋樹
響驚愁思村樁急暮颿孤吟憶王粲望斷碧雲

浮

嵌雪樓 在城北淨蓮寺高僧妙明建樓下玉水滌

洄青町繡錯開窗遠眺則雪山屏列宛然玉笋

斑立盛夏登臨涼風逼人清澈肺腑今樓廢址
存

冷暖亭 係王太守厚慶所題在象山麓瀦水塘清波蕩

漾活水滌洄中有亭翼然塘水左冷右煖故以
名亭

既雨樓 在玉泉龍宮小雨後山光繞屋水色涵窗

郡人晏集多會於此太守吳怡題額云既雨樓
舊名挹爽樓

靈文洞 在城南三十里文筆峯腰洞門向東日出

則照滿石室洞中清泉滴瀝涼潔異常內有靈
氣外建靈文閣即喇嘛坐禪處今存

仙泉 在象山之東水甚甘潔嘗有異人修鍊於

此相傳源置木桶泉即湧注後人易木以石泉
水即涸

禹王碑 在雪山背阿昌谷邊碑上有蝌蚪字跡人

莫能識相傳為禹王劈谷時置

響石 在城西一百餘里有觀音岩岩上作二孔

吹之輒響聲應雌雄相傳土人遊獵有犬逐鹿
至此俱失吹之以招犬鹿云

羊犁石 在城西一百餘里金沙江邊石有平行如田

堧界羅列四面遍映羊蹄跡土人謂之羊犁石
將臺 在城西八十里石鼓界里傍山壘石為之

形如塔相傳武侯駐兵于此

石鼓藏響 在城北三十里白水河邊形如鼓外圓

內空叩之淵淵雜以水聲更覺清越有致

風碑卧穴 在雪山腰相傳有一顛碑無字橫蓋石

穴平潔如洗常有牧人飲食其上若扶而立之則風雨驟至

分界岩 在城北雪山背巉石上有二種中峯判然

如劃峯北白石峯南蒼石因名白雪山蒼雪山

象跪石 在府城北八里石如狼牙昔元世祖自麗

江石關乘一白象跪不行故名

伏象石 在^雪山麓形如伏象口耳眼鼻望之如有

生氣耳畔聞一大孔聽之有聲或云山麓有出

水洞水流振石故響

巨人跡 在東河里石連寺有石平行上有巨人跡

深寸許相傳法王二寶所遺

溫泉 在東山里者二在日浪滄者一清潔溫沸

痼疾者浴之即愈

紅石岩 在城西一百二十里下臨金江峭壁劍削

石皆赭色如天台赤壁綿亘四五里昔總督瑯

玕討恆乍綑於此岩下

詩碑石鼓里修一石橋於橋畔岸上掘得一碑其上

有七律數首後題其名曰中州李長吉不知何

許人也

石 紐 楊升菴集禹王生於石紐即今麗江石鼓

地載繫

雪山秋月

消山在城北三十里四時積雪亘古不
人神清日月皎潔望之如玉樓台令

石洞朝霞

有洞在城西之南二里初升有百道
腰洞前卉木叢茂旭日初升有百道
煙霞繚繞

金波澄江

麗城東西北三面金江環繞澄波萬
頃有沁南二心牌里亦名龍珠林木掩

三台瑞靄

山在城宜南二里環互城郭河邊柳樹
映靄氣北三里柔膩極妍有八橋跨

玉河煙柳

值春煙縷拂里柔膩極妍有八橋跨

福國三茶

麗江山茶極多文峯芝雲玉峯普濟
等寺皆有二三圍一本一開數千朵

石鼓臨江

在城西七十里相傳武侯所樹俯視
金江有卓立不羣之概峯尖銳出高揮

文筆凌雲

峯在城南二十里外之勢

黃山棲鶴

黃山古柏嘗有鶴棲其上

碧海騰龍

即刺是海秋分後時見騰龍

玉峯瀑布

即空而北上三十里玉龍山之右清泉

象山靈泉

觀也 亂濺洵奇 白練底處水氣騰雲萬珠 山在城北三里石罅噴泉清如玉液 取以烹茗別有佳味前太守孔繼所 有詩曰乳竇穿林來百尺雪花携兩 落千尋瀨為工切

冢墓

周禮墓大夫掌邦墓之地及後世冢墓不掌於官而名賢古跡所存過其故址者往往嘆不忍置故首陽悼采薇之節綿山旌善士之塚或掛劍而思季子之

風或溺水而吊屈原之節甚有亡身殉國人去名留

紀載有所不廢麗邑清

朝始入版圖尚少名跡有一二邱墓猶在人耳目間者又為可不計也今特採而備列之

土知府木公墓

滇南文畧在麗江縣地

忠靈墓

在府城西北三百餘里魯甸里咸豐壬

子年巨川王濤重修

英雄暮

在城府西二百餘里嘉慶八年征維西

獾獾戰敗於魯甸里太平塘死者無算土人收

骨座之二十二年維西協雙重修

馬龍墓

在城北里許

總督陸建瀛學使吳存義

題其墓曰山高

水長又聯曰

得古佛言外意

是高士傳中

人

忠烈墓

在橋頭里同治十三年徇匪進石門關

攻橋頭被圍月餘時鄉勇死者已過半矣而姚

得功等守死如故及營破賊誘之降二人不從

遂屠戮數百人里人作叢塚祀之

異聞

神怪之事子所不語然天下理之所無而事往

上或有之是以歷代異聞諸書亦著錄所不廢

麗地之山深林密而人民習字更多好鬼神奇

怪之事今取諸徃籍或得諸傳聞有足徵者志

異聞

舊志麥宗者通安州麼些人也生七歲不學而識文

字偶入玉龍山中見石盜中水飲之遂知禽鳥

語一日羣鴉在林有一鴉從南來哀鳴甚急羣

鴉從之宗曰此雄鴉為白沙里人所弋迹之果

然長而百蠻諸夷之書無不通曉善聞國稱為
異人焉

舊志宋寧宗嘉定十七年甲申元太祖南征東印度
至鐵橋石門關前軍報曰有一角獸形如鹿而
馬尾其色綠作人言曰汝主宜早還帝以問耶
律楚材對曰此獸名角端能言四方語好生惡
殺此天降符以告陛下天之元子天下之
人皆陛下之子願承天心以全民命即日班師
舊志成化庚子五月內麗江巨津州白石雲山約長

四百餘丈距金沙江二里許一日忽然山裂中
分其半走移於金沙江中與兩岸雲山相倚山
上木石依然不動江水壅塞迨流淹沒田苗蕩
析民居州府具申上司鎮守太監等官具聞諸
朝雲南屢有邊報此山之兆也

舊志麥宗常遊獵雪山見一麀色如雪以為奇逐之
變為白石重不可舉獻獵人所携石祝之又舉
其輕如紙負至今廟處少憇遂重不可移因設
像立祠祀之元世祖忽必烈征大理由麗江路

勅封雪石北岳安邦景帝時土府木氏與吐蕃
戰神屢現白袍將跨白馬助陣萬厯間重拓殿
宇鑄大鼎大鐘以紀其事至今每歲二八月土
人祭賽祈禱多驗

舊志土人相傳元初白沙里有木都牟地性剛勇偶
抱憤事卧於磐石上須臾變虎咆哮躍去今跡
存石上

舊志明天啟甲子年八月十七日空中如剪鵝毛狀
紛紛飛墜里民競仰視忽見肉髻長眉鬚髮皓

然者裝衣跨鶴而下坐則出袖中粒飼鶴色如
青麥與童子語有頃以袖招鶴復乘之去且云
明日當有老人星見次日果有老翁如是所畫
壽星者亦乘鶴降民家據牀而坐以半桃分啖
童子良久乃去土知府木青異其事因建樓繪
像祀之

舊志蘭州監井有佛像獵者逐鹿鹿奔匿佛座下引
弓欲射佛作言曰鹿有胎殺之不祥獵者驚異
昇至鶴慶因名活佛

舊志昔有人耕於麗江之野忽風雨暴至捲入龍潭
俗傳尚見其人及牛犁旋繞其中

舊志永樂庚子春麗江土知府木初獲金黃鸚鵡一
遣其子送於定遠王沐晟王見之甚喜欲飼之
籠既而曰吾觀此鳥稟^中金^中之色得山川之秀
性情馴良辯能^慧言善解人意紺趾丹嘴柘衣
素衿雖無文彩而妙質奇姿誠南中異禽也余
不敢私貢於朝因繪斯圖以記之又土知府木
增嘗得白鸚鵡養之甚馴題有性鐘靈巧人為

語體厭沿華雪作裳之句見雲邁集

舊志石鼓之山峭拔聳秀又有長江迎面朝來昔有
人謂此為牛眠吉地欲移防汎衙門於其處方
平基鋤地下有石棺啟石棺再挖有方銅釘一
莖寬五寸餘挖深至五六尺此釘不可搖動遂
驚為神異覆土瘞之傳為孔明斷地脈以鎮吐
蕃云

舊志郡西南木保里文筆峯下有石槽形似鼎每深
秋木落時里民往視槽中積葉滿來歲必豐僅

半歲半收苦槽中無葉來歲定歉土人屢驗不爽
雲南通志道光三年二月山後村民和立家甚貧為
男娶婦無貲自鬻於隣家得二十餘金為其子
畢婚事合老後婦詢悉其由盡變簪服並往其
母家乞彘二賣與楚人商者秤金置牖下圖贖
其翁商偵婦出竊其金藏之及婦歸覓金不得
遂縊而死葬後雷電暴作擊二商踣於墓側手
捧所竊金婦棺遂開不移時棺已然活遠近莫
不震怖隣家送歸乃翁返其金堅辭不受

雲南通志白馬里民入山劊藥掘得一銅像頭戴鞞
狀甚奇古鑄工亦極精不知為何神也村人立
祠祀之

雲南通志麗江土府木氏生一子左臂上有硃字跡
視之曰瀾渡善人田古波七字咸以為異應襲
後至瀾渡而詢諸鄉人咸曰三十年前實有田
古波者至今死焉現有其妻而乏宗嗣由是造
其廬而訪之有一老嫗出年約五十餘問之曰
儂某氏幼適田姓古波不幸中年離散於茲三

十年矣木氏聞之慘然淚下蓋古波即彼之前
身老嫗即古^波之前配也便修其塚墓並載其前
配以歸先是瀾渡田古波樂善好施罄家貲以
建玉皇閣後無以為葬友人哀之為硃書其
臂曰瀾渡善人田古波曰

白沙里民木姓壬戌癸亥間避難於金江邊約數人
往剝岩上搜皮失足墜於岩半厯八日雇得二
獐獐垂下長繩救出人問之答以一老嫗住小
間板屋言避難住此食我一飯不知腹餓亦不

覺厯數日衆皆愕然

光緒己丑臘月峽門下第五潭內出一物狀如蛇渾
無頭目忽伸忽縮一若欲上而不能者伸而上
時或以竿挑之形從竿下而縮以竿按之形從
竿上而縮如是者七八十日惟朔望不出觀者
如堵相傳以為乾龍云卻無人知其為何物
雲山新峯萬厯戊午歲雪山主峯之旁突生新峯瑩
玉燦日勢若車旗見光碧樓草雪山新峯記

龍潭

香閣里有龍潭寬十丈光緒壬辰年龍出潭而不能
飛遂倒卧岸上村人焚香拜祝至夜疾雨鳴雷
復騰去

天門開

咸豐初年有山後里人祭墳見天門大開出入兵馬
旗號後杜逆起事

白漢廠水

咸豐五年將有狗逆之變九河里白漢廠山麓數月
間出水成潭綠波滌洄約有三里許先是有焚

人男女往來山麓倏不見後即出水

玉河內有神魚頂如嵌玉能大能小居民呼為白玉
頂見之者必有奇禍

